

ASTIGARRAGAKO UDALAREN ETA ASTIGAR ELKARTEAREN ARTEKO HITZARMENA, DIRULAGUNTZA IZENDUNA ARAUTZEKO

Astigarragan, 2025eko martxoaren 25ean .

PARTE HARTZEN DUTE

Alde batetik, Xabier Urdangarin Lasa, Astigarragako alkatea, Astigarragako Udalaren izenean eta ordezkartzan.

Bestetik, Jose Mari Alberro Irizar, G20051702 IF zenbakia duen Astigar dantza elkarteko lehendakaria bere izenean eta ordezkartzan.

Bi aldeek hitzarmen hau egiteko gaitasun osoa eta kasuan kasuko ordezkartza aitortzen diote elkarri eta eragin horretarako ondokoa

ADIERAZI DUTE:

1.- Toki Araubidearen Oinarriak arautzen dituen 7/1985 Legearen 25. artikularen eta/edo Euskadiko Toki Erakundeei buruzko 2/2016 Legearen 17. artikuluari jarraikiz, udalerrien eskumen propioa dela: Kultura eta kultura-jarduerak antolatzea eta sustatzea, eta erabilera publikoko kultura-ekipamenduak kudeatzea.

2.- Astigar euskal ohiturazaleen elkartearen xedea, besteak beste, honako hau dela: herriko eta Euskal Herriko ohiturei eutsi eta horiek zabaltzeko ekimenak bideratzea, horien artean euskal dantzak eta herriko ohitura eta berrien zabalkundea.

3.- Elkarteak 2024-10-14an (2024-00000004668 erregistro zenbakia) eta 2025-03-04an (2025-00000001128 erregistro zenbakia) Astigarragako Udalari 36.000 €-ko dirulaguntza eskatu diola elkarteak urtean zehar antolatuko dituen jardueren gastuei aurre egiteko.

4.- Astigarragako Udalak onartuta duela 2023-2026ko dirulaguntzen plan estrategikoa; eta plan horretan, dirulaguntza izendunen lerro hau jasotzen dela:

Pertsona hartzaileak: Astigar Euskal Ohiturazaleen elkarte

Ematearen modalitatea: Izenduna.

Helburuak: 2025eko Astigarraga aldizkaria argitaratzea, euskal dantza eskolak

ematea eta elkartearen 50. urteurreneko kultur jarduerak antolatzea.

5.- Udalak Astigar elkartearen izenean 28.000 € ditu udal-aurrekontuko kontu-sail honetan: 1 0700.481.01.334.12 2025 (1665)

6.- Dirulaguntzei buruzko 38/2003 Lege Orokorraren 22. eta 28. artikuluekin eta Dirulaguntzen Udal Ordenantzarekin bat etorrira, zuzenean ematen diren dirulaguntzen erabakiak hitzarmen bidez hartu behar direla; eta ezinbestekoa dela araudi horietan xedatutakoa kontuan hartzea.

Ondorioz, bi aldeek erabaki dute hitzarmen hau onartzea akordio hauekin:

AKORDIOAK

LEHENA.- Hitzarmenen honen xedea Astigar Euskal Ohiturazaleen elkartearen jardueretako dirulaguntza arautzea da.

BIGARRENA.- Jarduera horiek bideratzeko Astigarragako Udalak Astigar Euskal Ohiturazaleen elkarteari **28.000 €-ko dirulaguntza emango** dio, hori baita Udal aurrekontuetan aurreikusitako gehienezko kopurua, horietako 7.000€ Astigarraga aldizkaria argitaratzeko.

HIRUGARRENA.- Astigar Euskal Ohiturazaleen elkarteak betebeharrak hartzen ditu:

3.1. Jarduera hauek burutzea:

- 2024-25ean herritar orori zabalik dauden euskal dantza eskolak ematea eta eskolak emateaz arduratzen diren pertsonetikiko lan harremana bere gain hartzea.
- Martxoan Irradaka dantza saioa antolatzea.
- 50. urteurreneko Kirikoketa kalejira antolatzea.
- Urtean zehar herrian antolatzen diren hainbat ospakizunetan dantzatzea: sagardo berriaren egunean, 80 urtekoen omenaldian, San Joan suaren inguruan, Santio jaietako dantza erakustaldia, San Roke eguneko soka dantza, sagar uzta jaian eta Udalak eskatutako ekitaldietan.
- Dantza-jantziak erostea.
- 2025eko Astigarraga aldizkariaren 44. alea osatu eta argitaratzea.
- Udalaren web gunean 44. aldizkaria ikusgai jartzea.
- Astigarraga aldizkaria sustatzeko jarduerak bideratzea eta
- Astigar elkartearen lokaleko gastuak.

3.2. Dirulaguntzaren udal ordenantzaren 21. artikuluan adierazitakoa betetzea, hala nola: diru-ekarpena dirulaguntzaren xederako erabiltzea, dirulaguntza zuritzea, beharrezko baimenak eskatzea, udalaren ikuskaritza onartzea, hizkuntza- eta berdintasun-irizpideak

betetzea, aldaketa esanguratsuen berri ematea.

3.3. Elkartearen ardura izango da ekintza bideratzeko beharrezko giza-baliabideak jartzea; eta nolanahi ere, indarrean dagoen legeria betetzea.

3.4. Dirulaguntza itzultzea, baldin eta dirulaguntza emateko ezarritako baldintzak eta betebeharrak betetzen ez badira, eta, nolanahi ere, indarrean dagoen araudiak xedatutako kasuetan.

3.5. Dirulaguntza justifikatzea 2025eko irailaren 30erako beranduenez, eta gastuak ordenantzaren 23. artikuluan jasotako agiri bidez zuritu beharko dira.

3.6. Diruz lagunduko diren eta ez diren gastuak, udal ordenantzaren 7. artikulua dioenez, jardueraren izaerari inolako zalantzarik gabe erantzuten diotenak izango dira.

Ostalaritza eta dieta gastuak zerbitzua edo lana ordaintzeko denean bakarrik onartuko dira, baldin eta gastua emandako zerbitzuarekiko proportzionala bada eta zerbitzua eman duen taldekideei mugatzen bazaie. Kanpotik bidaiatu behar duten talde ez profesionalen kasuan bakarrik onartuko dira zerbitzuaren fakturaz gain ostalaritza eta dieta gastu gehigarriak.

Bidaia gastuak berriz, gehienez %30ean lagunduko dira.

3.7. Jasotako zenbatekoak itzultzea, dagozkion atzerapen interesekin, Dirulaguntzen Lege Orokorraren 37. artikuluan araututako kasuetan, bai eta Dirulaguntzen Udal Ordenantzan edota hitzarmen honetan jasotako baldintzak ez betetzeagatik.

3.8. Hitzarmen honetan hitzartutako lanikidetzak eta betetze mailaren jarraipena egiteko udalak eskatutako bilerak egitea eta informazioa ematea. Udalak horrela eskatuz gero, elkarteak ezingo dio uko egin.

LAUGARRENA.- Udalaren betebeharrak hauek izango dira:

4.1. Onartutako dirulaguntza ordaintzea, Dirulaguntzaren Udal Ordenantzaren 22. artikulua aurreikusi eta Udalak berariaz onartuta, salbuespen gisa %100eko ordainketa bideratuko du.

4.2. Jarraian adierazten diren udal azpiegitura eta ekipamenduak uztea (*aretoak, espazio publikoak, mahaia, aulkiak...*), baldintza hauetan:

- Aldizkariaren eta dantza eskolen inguruan sor litezkeen areto beharretarako Erribera kulturegune edo beste udal ekipamenduren bateko aretoak uztea. Nolanahi ere, udalak elkarteak erabiltzeko eskaera aurkeztuko du udaletxeko sarrera erregistroan eta bertan zehaztu beharko du zein egun eta ordutan eta zehazki zein areto erabili nahi duen eta udalak berariazko baimena emango du.



Astigarragako Udala

- Udal material eta ekipamendu orokorra ere Astigar Euskal Ohiturazaleen elkartearen esku jarriko da beren emanaldietarako beharrezkoa bada eta libre baldin badago. Aldiro eskaera aurkeztu beharko da udaletxeko erregistroan.

4.3. Hitzarmen honen baitan burutuko diren jardueren informazioaren berri garaiz ematea Udalak hileroko agendan eta bestelako euskarrietan argitara dezan.

4.4. Diru itzulketen espedienteak izapidetzea udal ordenantzaren 25 eta 26. artikuluen arabera.

4.5. Hitzarmen honetan jasotakoak ez betetzea arau-haustetzat jo daitekeenean (*Dirulaguntzaren Udal Ordenantzaren 27. artikulua arabera*) zehapen espedienteak izapidetzea ordenantzaren 28 eta hurrengo artikuluei jarraiki.

BOSGARRENA.- Udalaren dirulaguntza bateragarria izango da beste erakunde publiko edo pribatuak xede bererako eman ditzaketen bestelako dirulaguntzekin. Edozein modutan, ez da gain finantzaketarik egongo, eta hala gertatuko balitz, elkarteak dirua itzuli egin beharko luke.

SEIGARRENA.- Hitzarmen honek izaera administratiboa du eta bere interpretazioan eta garapenean dirulaguntzei aplikagarria zaien administrazioaren ordenamendu juridikoa aplikatuko da.

Interpretazio hori egitea, Astigarragako Udalari dagokio eta horrek hartutako erabakiek amaiera emango diote bide administratiboari eta hartzen diren unetik bertatik bete beharrekoak izango dira.

ZAZPIGARRENA: Hitzarmen honetako alde biek hartzen dituzten betebeharrak edo erantzukizunak, eta elkarrengandik dituzten eskubideak, eta hitzarmen honetan aurreikusten edo jasotzen ez den guztietarako, honako legeria aplikatuko da:

1. Apirilaren 2ko Toki Korporazioetako Oinarri arautzailearen 7/1985 zenbakidun Legea eta apirilaren 18ko erregimen lokaleko arauak biltzen dituen 781/1986 zenbakidun Testu Bateratua, beti ere Kontratu Legean ezarritakoaren aurka ez baldin badoa.
2. Herri Administrazioetako Dirulaguntzak arautzen dituen azaroaren 17ko 38/2003 Legea.
3. Uztailaren 21eko 887/2006 Errege Dekretua, zeinen bitartez dirulaguntza orokorrak arautzen dituen azaroaren 17ko 38/2003 legearena erreglamentua onartzen dena.
4. Dirulaguntzen Udal Ordenantza (*ordenantza eskura dago udalaren webgunean: <https://www.astigarraga.eus/eu/beste-ordenantza-batzuk>*)

5. Honetaz gain, zuzenbide administratiboko arauak eta bere kasuan zuzenbide pribatuko arauak aplikatuko dira.


ZORTZIGARRENA: Astigar elkarteak 3.5.an adierazitako epean Astigarragako Udalari urteko jardunaren txostena aurkeztuko dio ondoko informazio eta agiriekin batera:

- Memoriaren fitxa osatuta (emanaldiak, datak, parte-hartzaileak, balorazioa, argazkiak...),
- Gastuen zerrenda (gastu bakoitzaren azalpena eta bakoitzari dagokion faktura edota egiaztagiria zerrendaren ordena berean),
- Diru sarreraren ziurtagiriak,
- Hizkuntza eta berdintasun fitxak eta ikus-entzunezko eta material grafiko oro (kartel, esku-orri, bideo...).

BEDERATZIGARRENA: Hitzarmen honetatik sortzen diren auziak administrazioko auzigaietarako jurisdikzioaren menpe geratuko dira.


Horrela jaso dadin eta ados daudela adierazteko hitzarmen hau sinatu dute hasieran adierazitako lekuan eta datan.

Xabier Urdangarin Lasa



Alkatea
Astigarragako Udalaren izenean

Jose Mari Alberro Irizar



Astigar elkartearen izenean

